

PHAU NTAWV QHIA LUB CHAW PABCUAM HAUV TEJ CHEEBTSAM COV KEV PABCUAM RAU COV LAUS

Zoo siab tos txais los rau hauv Alta California Regional Center (ACRC). Phau ntawv qhia no yog ib txoj kev qhia rau koj, thiab koj pab neeg txhawb kom paub txog tias:

- Lub ACRC yuav pab kom koj ncav cuag lub neej uas koj xav tau licas
- Cov kev pabcuam uas luag muaj pub rau koj yog dabtsi
- Cov lej xovtooj thiab kev qhia uas yuav pab tau koj

Tej zaum koj yuav pom tau tias cov kev qhia no yuav tseemceeb rau koj hauv tej ntu ntawm koj lub neej.

Dua li, peb lub koomhaum lub website: www.altaregional.org tseem muaj cov kev qhia uas tej zaum yuav pab tau koj. Koj tso tau koj tus email hauv no koj peb xa tej ntawv xovxwm tuaj qhia rau koj.

HAUV PHAU NTAWV QHIA NO

Koj Tus Neeg Pab Npaj Kev Pabcuam	2
Kev Totaub Txog Kev Nrog Tshuaj.....	3
Cov Kev Pab los ntawm Medi-Cal	5
Cov Chaw Pabcuam	7
Kev Txiavtxim Siab	8-12
Kev Hloov Tawm hauv Kev Kawm.....	13
Kev Ua Haujlwm	14
Kev Thauj Mus Los	18
Cov Kev Nyob	19-21
Cov Kev Pab Kev Uasi & Kho Tus Coojpwm	22-24
Lwm Cov Kev Pabcuam Ntxiv.....	25-28
Cov Chaw Pabcuam hauv Tej Cheebtsam	30
Kev Txiavtxim Siab Ntawm Tuskheej	31

Tus Neeg Pab Npaj Kev Pabcuam yog dabtsi?

Yog koj yeej tau txais kev pabcuam los ntawm lub ACRC lawm, koj yuav paub zoo txog tes haujlwm ntawm tus Neeg Pan Npaj Kev Pabcuam. Yog koj nyuam qhuav pib tau txais kev pabcuam, koj yuav raug muab cob rau ib tus Neeg Pab Npaj Kev Pabcuam, (Service Coordinator, SC), tus neeg uas koj yuav hu rau feem ntau hauv lub ACRC.

Tus neeg no yuav los ntsib koj thiab koj pab neeg npaj kev pabcuam los tshuaj koj cov kev tu-ncua. Tsab Kevcai Lanterman Act hais tias txoj kev tshuaj xyuas yuavtsum yog tshuaj los ntawm cov tibneeg uas paub tshuaj thiab tshuaj hauv ib qhov chaw uas xis koj li uas yuav ua tau.

Pab nrhiav kev pabcuam los daws tus neeg mob cov kev tu-ncua

Nrog tus neeg mob thiab tsevneeg sib txuas lus

Pab nrog hais rau tus neeg mob

Siv txoj kev txawj ntse los pab

KOJ TUS NEEG PAB NPAJ KEV PABCUAM UA DABTSI?

Nrog saib thiab tshuaj tus neeg mob tej mob

Nrog saib thiab daws tej kev tu-ncua uas tsimnyog daws tau

Nrog sau daim IPPs uas daws tau cov kev tu-ncua

Nrog tshuaj cov kev pabcuam uas tau txais saib puas pab tau tus neeg mob

Nrog nrhiav thiab txhawb cov Homphiaj & Kev Ua Tau uas yuav pab tau tus neeg mob

Pab xa tus neeg mob mus rau lwm lub chaw pab uas tau txais nyiaj hauv lub RC los txhawb nws cov homphiaj

**KEV TOTAUB TXOG LUB CHAWB PABCUAM HAUV TEJ
CHEEBTSAM TXOJ KEV NROG TSHUAJ THIAB TEJ NYIAJ SIV**

Lub ACRC yuav pab koj npaj thiab sau Txoj Kev Npaj Pab Raws Tej Tus Tibneeg (Individualized Program Plan, IPP). Txoj IPP yuav muaj qhov uas siv tej kev pab hauv tej zejzov los daws koj cov kev tu-ncua. Hauv txoj kev npaj txoj IPP yuav muaj kev nrhiav kev qhia los tsomxam txog cov homphiaj hauv koj lub neej, tej uas koj ua tau thiab keej rau, cov uas koj nyiam, tej uas tav koj txoj hauv kev, thiab tej kev ntsawv siab lossis kev tu-ncua.

Ib feem ntawm txoj kev nrog tshuaj yog los xyuas cov kev pab uas yuav siv tau, tej uas muaj los pab tej pejxeem (uas muaj) thiab muaj sab nraud, kom paub tias yuav muaj kev pab dabtsi los daws tau koj cov kev tu-ncua. Lub ACRC yuav kam them rau cov kev pabcuam thiab kev txhawb raws li hais hauv qab no:

<i>Cov kev pabcuam uas hais hauv tsab kevcai Lanterman Act</i>	<i>Ua tau raws li lub homphiaj lossis kev xav tau uas hais hauv txoj IPP</i>
<i>Daws tau ib qhov kev tu-ncua uas ua rau koj tau txais kev pabcuam</i>	<i>Nws tsis zoo tib yam li lwm txoj kev pab/kev siv uas muaj</i>
<i>Nws pab tau thiab pheejyig</i>	<i>Nws txhawb lub ACRC lub homphiaj</i>
<i>Txoj kev pab yog muab los ntawm ib tus neeg muab kev pab uas “raug tsocai”</i>	<i>Nws yog ib yam uas pab tau zoo</i>

Welfare & Institutions (W&I) Code §§4501, 4512(b), 4640.7(b), 4646(a), 4646.4, 4648(a)(11), 4659. 4782

TXOJ KEV KHOMOB HAUV TSEV & HAUV ZEJZOS UAS TSI S TAU THEM NQI (HCBS) LOSSIS SIV MEDICAID UAS TSI S TAU THEM NQI (MEDICAID WAIVER, MW):

Txoj kev pabcuam no yog ib txoj kev pabcuam hauv tsoomfwv qibsiab uas khiav los ntawm lub ACRC uas kam cia koj lub nroog tsis txhob siv tej nyiaj khwv tau los rau kev thov Medi-Cal, uas us rau cov tibneeg uas tsis tau txais Medi-Cal, los tau txais. Yuav kom tau txais Medicaid Waiver, koj yuavtsum tau muaj qee yam thiab tau txais ib txoj kev pabcuam uas ACRC kam them rau, uas yog cov mus yuav los. Medi-Cal yuav them rau cov kev khomob, thiab yuav them rau feem uas koj tau nrog them rau kev mus ntsib kws khomob thiab cov tshuaj noj yog koj muaj kev fajseeb sab nraud.

Koj tus SC yuav pab xa koj mus rau txoj kev pab no los ntawm lub ACRC Txoj Kev Pabcuam hauv Tsoomfwv.

Dua li, thaum koj thov HCBS, lub Xeev Kalifonias yuav tau txais cov nyiaj los ntawm tsoomfwv qibsiab tuaj them rau cov kev pabcuam thiab kev txhawb uas lawv tau yuav rau koj lawm. Kev thov HCBS yuav tsis cuamtshuam dabtsi rau tej hom lossis cov kev pabcuam uas koj yuav tau txais.

Raws li txoj kevcai, lub ACRC yuavtsum tau siv kom tas COV KEV PABCUAM UAS MUAJ thiab MUAJ SAB NRAUD, thiab COV KEV TXHAWB UAS MUAJ untej yuav mus yuav cov kev pab lossis kev txhawb sab nraud. No yog qee yam li uas hais no.

COV KEV PABCUAM UAS MUAJ & MUAJ SAB NRAUD:

COV KEV PABCUAM UAS MUAJ & MUAJ SAB NRAUD:	COV KEV TXHAWB UAS MUAJ:
<ul style="list-style-type: none"> • Medi-Cal 	<ul style="list-style-type: none"> • Tsevneeg
<ul style="list-style-type: none"> • Kev Ntxov Mus Kuaj Mob, Tshuaj & Khomob (EPSDT) 	<ul style="list-style-type: none"> • Tej Txheebze/Kwvtij
<ul style="list-style-type: none"> • School Districts/SELPAs 	<ul style="list-style-type: none"> • Cov Koomhaum Qhab (Tribal)
<ul style="list-style-type: none"> • Lub Nroog Kev Tuaj Pab Tu hauv Tsev (IHSS) 	<ul style="list-style-type: none"> • Cov Koomhaum Qhab (Tribal)
<ul style="list-style-type: none"> • Kalifornias Txoj Kev Pabcuam Menyuum Yaus (CCS) 	<ul style="list-style-type: none"> • Cov Chaw Pehawm Tswv Ntuj
<ul style="list-style-type: none"> • Lub Nroog Txoj Kev Khomob Teebmeem Kev Xav 	<ul style="list-style-type: none"> • Tej Pab Neeg Txhawb
<ul style="list-style-type: none"> • Denti-Cal 	<ul style="list-style-type: none"> • Cov Phoojywg
<ul style="list-style-type: none"> • Lub Chaw Pabcuam Tsevneeg (FRC) Warmline 	<ul style="list-style-type: none"> • Cov Neeg Nrog Yus Nyob
<ul style="list-style-type: none"> • Kev Tuaj Pab hauv Tsev (IHO) 	<ul style="list-style-type: none"> • Cov Neeg Zejzos
<ul style="list-style-type: none"> • Lub Zos, Nroog & Xeev Kev Pabcuam Tsev Nyob 	<ul style="list-style-type: none"> • Cov Neeg Nrog Yus Ua Haujlwm
<ul style="list-style-type: none"> • Zejzos Kev Pab Hais Plaubntug 	
<ul style="list-style-type: none"> • Kev Fajseeb uas Mus Yuav Los 	
<ul style="list-style-type: none"> • Phab Pab Rov Xyaum Lub Cev 	
<ul style="list-style-type: none"> • Phab Pab Ceev Cov Neeg Xiam Oob-qhab hauv Kalifonias Cov Cai (DRC) 	
<ul style="list-style-type: none"> • Pob Nyiaj Khaws Tseg (Trust Funds) 	
<ul style="list-style-type: none"> • Txoj Kev Pab Nyiaj Ntsuab Rau Cov Neeg Tawg Tebchaws (CAPI) 	
<ul style="list-style-type: none"> • Nyiaj Xiam Oob-qhab (SSI) 	

KEV QHIA TXOG MEDI-CAL THIAB LWM YAM

Medi-Cal yog Kalifonias txoj kev pabcuam Medicaid thiab yog ib txoj kev fajseeb khomob uas muaj pub rau pejxeem. Nws yog ib txoj kev pab uas muaj thiab tseemceeb rau lub Chaw Pabcuam hauv Tej Cheebtsam vim nws pab lub ACRC ua tau li tej uas hais hauv tsab kevcai Lanterman Act uas yog siv cov kev pab uas muaj los daws koj cov kev tu-ncua.

Tseem yuav siv tau Medi-Cal los them rau kev kho tus coojpwm rau cov tibneeg uas muaj autism txog 21 xyoos, thiab them rau feem nqi khomob uas yuav tau nrog them, lossis feem nqi uas yuav tau them uantej thaum koj txoj kev fajseeb sab nraud. Tau txais Medi-Cal tseem yuav ua rau koj tau txais txoj Kev Tuaj Pab Tu hauv Tsev (IHSS).

COV KEV TUAJ PAB TU HAUV TSEV (IN-HOME SUPPORT SERVICES, IHSS):

IHSS pab kev tu tuskheej thiab pab tej haujlwm hauv tsev rau cov tibneeg hnuv nyoog laus, digmuag lossis xiam oobqhab uas nyob hauv lawv lub tsev. IHSS yog muaj rau cov uas yog tsis pab yuav raug coj mus nyob rau hauv cov tsev laus tabsis yog muaj kev pab IHSS lawv tseem yuav nyob tau yam cobphum hauv lawv lub tsev. Koj tsuas tau txais IHSS tomqab uas koj tau txais Medi-Cal lawm xwb. Koj lub nroog yog lub khiav txoj kev pabcuam no.

Tomqab uas koj thov txoj kev pabcuam, lub nroog yuav xa ib tus Social Worker tuaj tshuaj koj cov kev tu-ncua hauv koj lub tsev. Yog koj yuavtsum tau muaj kev pab ntau tshaj lwm tus, tej zaum IHSS yuav muab ib qhov nyiaj txhua hli rau koj los ntiav ib tus neeg los pab tu raws li ib cov xuabmoos. Tus neeg uas koj ntiav yog tus los pab tu koj, thiab nws yog tau ib tus neeg hauv koj tsevneeg.

NYIAJ XIAM OOB-QHAB (SUPPLEMENTAL SECURITY INCOME, SSI):

SSI yogi b txoj kev pabcuam nyiaj txiag hauv tsoomfwm qibsiab uas tsim los pab cov tibneeg hnuv nyoog laus, digmuag lossis xiam oob-qhab uas tsis muaj lossis tau nyiaj los tsawg. Nws pab nyiaj rau los pab them tej nqi zaubmov, khaubncaws hnav, thiab vajtse nyob. Koj muaj peb txoj kev thov SSI: 1) Hu rau 1-800-772-1213 (1-800-325-0778 yog koj lagntseg lossis tsis hnov lus zoo) mus teem sijhawm, 2). Kom lwm tus pab koj hu thiab pab koj ua ntauv thov, lossis 3). Mus thov hauv lub Social Security lub chaw ua haujlwm. Yog xav tau kev qhia ntxiv, mus xyuas lub Social Security Administration lub website hauv: <https://www.ssa.gov>.

LUB CHAW PABCUAM TSEVNEEG (FAMILY RESOURCE CENTER, FRC):

Hauv Kalifonias, FRCs yogi b feem hauv Txoj Kev Ntxov Pab, uas tau txais nyiaj los ntawm Phab Pabcuam Teebmeem hauv Kev Lojhlob. Lawv muaj nyob phoob plaws hauv Kalifonias thiab muaj cov tsevneeg uas muaj cov menyuum uas muaj teebmeem kev tu-ncua ua haujlwm nyob rau hauv. FRCs muaj kev sib txhawb ib tus niamtxiv toj ib tus niamtxiv thiab pab cov niamtxiv, cov tsevneeg thiab cov menyuum yaus nrhiav cov kev pabcuam los daws lawv cov kev tu-ncua. Ib lub FRC hauv nroog, uas yog Warmline, tau txais ib pob nyiaj los pab cov laus mus txog thaum lawv muaj hnuv nyooog 26 xyoo. Yog xav tau kev qhia ntxiv, koj mus xyuas tau FRC qhov Network hauv Kalifonias hauv: www.frcnca.org.

COV KEV PABCUAM UAS MUAJ HAUV TEJ LUB NROOG

Nroog	Medi-Cal	IHSS	SSI	FRC
Alpine	530-694-2235	530-694-2235	530-694-2235	Warmline FRC: 800-455-9517
Colusa	530-458-0280	530-458-0280	530-671-1896	Colusa County FRC: 530-458-8891
El Dorado	530-642-7300	530-642-4800	877-545-5497	North Tahoe FRC: 530-546-0952
Nevada	Grass Valley: 530-265-1450 Truckee: 530- 582-7814	530-274-5601	866-931-6087	FRC of Truckee: 530-587-2513
Placer	South Placer: 916-636-1980 Auburn: 530-889-7610	South Placer: 916-787-8860 Auburn: 530-889-7115	South Placer: 916-770-8300 800-772-1213 Auburn: 866-931-6087	Warmline FRC: 916-455-9500 Lighthouse FRC: 916-645-3300
Sacramento	(916) 874-3100	(916) 874-8471	800-772-1213	Warmline FRC: 916-455-9500
Sierra	Grass Valley: 530-265-1450 Truckee: 530- 582-7814	530-274-5601	866-931-6087	Warmline FRC: 916-455-9500
Sutter	877-652-0735	530-822-7227	530-671-1896	Family Soup FRC: 530-751-1925
Yolo	530-661-2700	530-661-2955	916-373-3850	Warmline FRC: 916-455-9500
Yuba	877-652-0739 530-749-6311	530-749-6471	530-671-1896	Yuba County FRC: 530-749-4049

KEV PAB COV NEEG MOB TXOG COV KEV TXIAVTXIM SIAB

Cov kev xaiv hauv qab no yog ib cov kev uas koj yuav siv tau los pab koj txiavtxim siab txog tej yam hauv koj lub neej.

Txoj Kev Npaj Los Ntawm Ib Pab Tibneeg: Lub Chaw Pabcuam hauv Tej Cheebtsam pab neeg npaj kev pabcuam yuav pab tau koj los tsomxam, daws teebmeem, pab taw kev, thiab tawm tswvyim, nrog rau kev txhawb kom koj muab tau cov kev txiavtxim siab uas zoo. Pab neeg npaj kev pabcuam tseem yuav los pab koj nrhiav cov kev pabcuam thiab kev txhawb rau koj tau xwsli nrhiav cov hoob qhia kom txawj sib raug zoo, kev txhimkho tus coojpwm lossis kev txhawb, tawm tswvyim, kev tswj tshuaj noj, kev kho teebmeem kev xav, thiab cobqhia kom nyob tau ib leeg los pab koj cov kev txiavtxim siab.

Daim Ntawv Tsocai Rau Lwm Tus los Txiavtxim Siab txog Kev Khomob: Daim ntawv no cia koj los taw ib tus neeg laus (koj tus neeg sawvcev) los ua tus sawvcev txiavtxim siab txog cov kev khomob rau koj. Koj yuavtsum tau totaub txog qhov uas koj taw ib tus neeg los ua tus muab txiavtxim siab txog cov kev khomob rau koj. Tus neeg sawvcev ntawd yuav tsis txiavtxim siab los siv tej yam kev khomob uas koj tsis nyiam. Koj txoj kev suam npe rau daim ntawv tsocai ntawd yuavtsum yog coj mus nias thwj ua povthawj (notarized), lossis muaj ob tus tibneeg uas tsis txheeb koj los sau npe ua povthawj. Koj yuavtsum tau luam ib copy mus rau koj cov kws khomob. Koj rov thim tau koj daim ntawv tsocai txhua lub sijhawm. Koj muab tau daim ntawv tsocai no ntawm ib tus kws lijchoj, hauv online, lossis hais kom koj tus Neeg Pab Npaj Kev Pabcuam hauv ACRC muab rau koj.

Kev Tsocai Rau Lwm Tus los Muab Kev Txiavtxim txog Kev Kawm: Daim ntawv no cia koj muab koj cov cai txog kev txiavtxim siab txog kev kawm, txog hnub nyoog 22 xyoos, rau koj niam koj txiaiv los ua tus txiavtxim rau koj thaum koj tabtom tau txais cov kev Kawm Tshwjxeeb. Thaum uas koj suam npe rau thiab xa mus rau lub school district lawm, nws yuav tsocai rau koj niam koj txiv los muaj feem txiavtxim txog koj txoj kev kawm. Koj muab tau daim ntawv no ntawm koj tus Neeg Pab Npaj Kev Pabcuam hauv ACRC.

Muab Koj Cov Nyiaj Ua Lwm Tus Npe: Yog koj ua haujlwm lossis tau txais nyiaj pabcuam pejxeem xwsli SSI, koj tsocai tau rau lwm tus lossis ib koomhaum los ua tus txais thiab tuav koj cov nyiaj. Tus neeg lossis lub koomhaum no dhau los ua “tus neeg sawvcev txais koj cov nyiaj” thiab pab them koj cov nqi. Lawv tseem yuav los pab koj xyuas kom tsis txhob “muaj nyiaj ntau dhau” thiab ua rau tsis tau txais kev pabcuam. Tej zaum ACRC yuav kam them rau ib tus neeg sawvcev txais koj cov nyiaj. Yog koj xav paub, nug koj tus Neeg Pab Npaj Kev Pabcuam hauv ACRC txog qhov no.

Ntau Txoj Kev Xaiv Ntxiv...

Tsocai txog Kev Khomob Rau Lub Chaw Pabcuam hauv Tej Cheebtsam: Lawv li Kalifonias tsab cai, cov chaw pabcuam hauv tej cheebtsam muab tau kev tsocai txog kev khomob, kev phais, lossis kev kho hniav qee lub sijhawn rau cov neeg laus uas tsis muaj tus nrog saib. Cov kws khomob yuav hu tuaj rau lub chaw pabcuam hauv tej cheebtsam tuaj muab kev tsocai. Cov chaw pabcuam hauv tej cheebtsam yuavtsum tau ua tibzoo tshuaj uantej yuav muab tej txoj kev tsocai li ntawd. Dua li, txhua tus tibneeg muaj cai tau txais cov kev khomob xwmtxheej ceev yam tsis yuav kev tsocai. Nug koj tus Neeg Pab Npaj Kev Pabcuam hauv ACRC txog kev qhia ntxiv txog qhov no.

Tsocai Rau Muab Tej Ntaub Ntawv Khomob thiab Kev Qhia Rau Lwm Tus Xyuas: Cov neeg mob uas muaj hnuv nyoog lawm suam npe tsocai tau rau cov koomhaum, xwsli lub chaw pabcuam hauv tej cheebtsam, los nrog lwm lub koomhaum sib txuas lus thiab muab tus neeg mob tej ntaub ntawv khomob rau lwm tus, nrog rau cov neeg hauv tsevneeg xyuas. Koj tus Neeg Pab Npaj Kev Pabcuam hauv ACRC yuav muab tau daim ntawv suam npe tsocai txog qhov no rau koj.

Tsocai Rau Tus Nrog Saib los Txiavtxim Siab (Guardian Ad Litem): Lub rooj txiavtxim tau tau ib “tus neeg nrog saib” los pab txiavtxim siab rau tus neeg mob uas txiavtxim siab tsis tau rau nws tuskheej. Tus neeg nrog saib yog tau niamtxiv, tus txheebze, lossis ib tus kws lijchoj. Yog tus neeg nrog saib tsis yogi b tus kws lijchoj, tus neeg mob tseem yuav muaj ib tus kws lijchoj los ua tus neeg sawvcev hais plaub rau nws.

Cia Cov Koomhaum Nrog Hais los Pab Txiavtxim Siab: Lub Chaw Pab Neeg Mob Hais Lawv Cov Cai (Office of Clients’ Rights Advocacy, OCRA) yog lub uas los pab muab kev hais plaubntug thiab kev xa mus rau lub chaw pabcuam hauv tej cheebtsam cov neeg mob. OCRA lub koomhaum loj uas yog lub **Chaw Tswj Cov Neeg Xiam Oob-qhab Cov Cai hauv Kalifonias (Disability Rights California, DRC)** tseem yuav los pab hais plaubntug tau thiab muab kev xav mus rau txhua tus tibneeg uas xiam oob-qhab uas suav lub chaw pabcuam hauv tej cheebtsam cov neeg mob. Koj muab tau cov kev qhia thiab xovtooj txog cov koomhaum no ntawm koj tus Neeg Pab Npaj Kev Pabcuam hauv ACRC.

KEV NROG SAIB THIAB TSWJ

Kev Nrog Saib thiab Tswj: Yog ib txoj kev ua ntaub ntawv uas luag rho lossis txwv koj cov cai thiab cia lwm tus tibneeg lossis ib cov tibneeg los ua tus nrog saib thiab tswj koj. Lub homphiaj ntawm txoj kev nrog saib thiab tswj yog los pab thiab tivthaiv cov tibneeg uas tsis muaj peevxwm los muab kev txiavtxim siab rau lawv tuskheej tau lawm.

Cia peb ntsia raws li qhov uas koj tsevneeg pom ...

*Ib tus tibneeg raug taw tau los ua tus nrog saib thiab tswj ib tus tibneeg lossis nws tej khoom uas nws muaj, lossis ob yam tibi. Qhov sib txawv ntawm ob qhov kev nrog saib thiab tswj no yog hauv lolus ntawm lub npe (titles). Kev nrog saib thiab tswj *ib tus tibneeg* ua rau tus nrog saib thiab tswj muaj cai los muab cov kev txiavtxim siab txog kev kho thiab tu tus tibneeg ntawd (xwsli, kev khomob, nws yuav mus nyob qhovtwg thiab nyob licas). Kev nrog saib thiab tswj *tej khoom uas nws muaj* yog hais txog cov kev txiavtxim siab txog cov khoom uas nws muaj (bank accounts, vajtse thiab lwm yam uas nws muaj.)*

Uantej lub tsev hais plaub yuav taw ib tus neeg los ua tus nrog saib thiab tswj ib tus tibneeg, tus tibneeg uas thov txoj kev pab nrog saib thiab tswj yuavtsum tau muaj puavpheej tuaj qhia rau lub tsev hais plaub tias tus tibneeg uas yuav raug saib thiab tswj ntawd tsis muaj peevxwm yuav pab tau nws tuskheej txog tej zaubmov, khaub ncaws hnav, lossis tsev nyob, thiab kev khomob. Tibyam li ntawd, kev yuav taw ib tus los pab nrog saib thiab tswj tej khoom uas nws muaj, ib tus tibneeg yuavtsum tau muaj puavpheej tuaj qhia tias tus tibneeg ntawd tsis muaj peevxwm los tswj thiab ceev nws cov nyiaj, lossis yuav raug luag nyiaj nws tej nyiaj lossis yuav raug lwm tus uas tsis xav zoo txog tus tibneeg ntawd “dag tau yoojyim”.

Ob txoj kev nrog saib thiab tswj no yuav siv tsis tau los tswj ib tus tibneeg tus coojpwm lossis siv los txwv nws txoj kev xaiv tias nws xav uas nws lub neej licas.

Kev nrog saib thiab tswj feem ntau yog siv tas mus li thiab txog thaum tas tus tibneeg ntawd txoj sia. Tabsis, txoj kev nrog saib thiab tswj ib ntus thov tau rau tej thaum muaj xwmtxheej ceev.

Lwm Txoj Rau Kev Nrog Saib thiab Tswj/Txoj Uas Muaj Kev Txwv Tsawg Tshaj:

Hauv ACRC, peb pom tau tias ntau tsevneeg siv tau cov kev uas teev saumtoj no los pab tivthaiv lawv cov menyuam uas muaj hnuv nyoog lawm tib lub sijhawm uas txhawb lawv cov menuam kom muaj kev txiavtxim siab rau lawv tuskheej thiab tsis tos leejtwg, yam tsis tau siv kev nrog saib thiab tswj. Tabsis, qee zaum txoj kev nrog saib thiab tswj yuav yog txoj uas tsimnyog rau lawv cov neeg mob vim cov kev uas hais los no yuav muaj kev tivthaiv tsis txaus rau lawv cov neeg mob.

Kev taw ib tus los nrog saib thiab tswj yog ib txoj kev ua ntaub ntawv uas yuav noj mentsis sijhawm thiab nyiaj txiag.

Yog koj txiavtxim siab tias yuav los nrhiav ib tus los ua tus nrog saib thiab tswj koj tus tub lossis tus ntxhais, tej zaum koj tsimnyog yuav tau mus tshawb nrhiav txog tej no ntxiv thiab mus nrog ib tus kws lijchoj tham. Ob peb nplooj ntawv ntxuas ntxiv tomntej no yuav qhia txog ntau hom kev nrog saib thiab tswj.

Kev Nrog Saib thiab Tswj Mentsis: Txoj kev Nrog Saib thiab Tswj Mentsis *tsuas yog* tsim los rau cov neeg laus uas muaj teebmeem hauv kev lojhlob xwb. Nws pom tias cov tibneeg uas muaj teebmeem hauv kev lojhlob nyias tu-ncua lawm nyias ib yam thiab nyias ua tau lawm nyias ib yam, yog li xav txhawb kom cov tibneeg no muaj kev txivtxim xiab rau tej yam uas lawv ua tau, txhawb lawv txoj kev txiavtxim siab rau tuskheej thiab txoj kev tsis tos leektwg.

Txoj kev txiavtxim siab ntawm tus neeg nrog saib thiab tswj “tsuas yog rau” tej yam uas lub tsev hais plaub xav tias tus tibneeg xiam oob-qhab xav tau kev pab rau nkaus xwb. Yog li, tus kws txiavtxim yuavtsum tau los txiavtxim tias tus neeg mob puas tseem muaj cai tuav nws xya yam cai hauv qab no:

Txoj cai los txiavtxim siab tias nws yuav xav nyob qhov twg

Txoj cai los tuav nws cov ntaub ntawv tseemceeb (kev kawml, kev khomob, etc.)

Txoj cai los sib yuav

Txoj cai los ua ntawv sibcog lus nrog lwm tus

Txoj cai los tsocai rau kev khomob

Txoj cai los nrog lwm tus sib tham lossis pw uake ua niamtxiv

Txoj cai los txiavtxim siab txog nws txoj kev kawm ntawv lossis kawm haujlwm

Tus neeg uas raug Nrog Saib thiab Tswj Mentsis yog tus uas txoj kevcai tseem suav tias yog tus muaj peevxwm, thiab nws muaj cai tuav thiab tswj nws cov nyiaj, thiab pov ntawv tawm suab, yog tias lub tsev hais plaub tsis tsis tau hais tias lawv rho cov cai no tawm ntawm nws mus lawm. Tus neeg uas raug Nrog Saib thiab Tswj Mentsis tseem muaj cai txwv nws cov kev khomob, txawm yog tus nrog saib thiab tswj xav tias tsimnhog kho.

Tus neeg uas raug Nrog Saib thiab Tswj Mentsis yog tus uas txoj kevcai tseem suav tias yog tus muaj peevxwm, thiab nws muaj cai tuav thiab tswj nws cov nyiaj, thiab pov ntawv tawm suab, yog tias lub tsev hais plaub tsis tsis tau hais tias lawv rho cov cai no tawm ntawm nws mus lawm. Tus neeg uas raug Nrog Saib thiab Tswj Mentsis tseem muaj cai txwv nws cov kev khomob, txawm yog tus nrog saib thiab tswj xav tias tsimnhog kho.

Txoj kev Nrog Saib thiab Tswj Mentsis tsimnyog yog thawj txoj uas yuav tau xav txog rau lub chaw pabcuam hauv tej cheebtsam cov neeg mob, vim nws yog txoj muaj kev txwv tsawg tshaj hauv cov kev nrog saib thiab tswj. Tabsis, tus kws txiavtxim muaj cai taw txoj kev Nrog Saib thiab Tswj Txhua Yam rau ib tus neeg mob hauv lub chaw pabcuam hauv tej cheebtsam yog tias tus kws txiavtxim pom tias qhov ntawd yog qhov uas tsimnyog dua.

Kev Nrog Saib thiab Tswj Txhua Yam: Txoj kev Nrog Saib thiab Tswj Txhua Yam taw tau rau tus tibneeg uas muaj ntaub ntawv teev tseg tias nws txoj kev xiam oob-qhab ua rau nws tsis muaj peevxwm txiavtxim siab tau zoo. Xwsli, ib tus neeg laus uas pheej hnov qab hnov quav yuav raug taw ib tus neeg nrog saib thiab tswj rau.

Kev Nrog Saib thiab Tswj Txhua Yam tsocai rau tus neeg nrog saib thiab tswj los txiavtxim siab rau txhua yam rau tus tibneeg ntawd, thiab feem ntau **muaj cai** tsocai rau lossis txwv kev khomob. (Qhov no txhais tau tias tus tibneeg uas raug nrog saib thiab tswj tsis muaj cai los txwv nws cov kev khomob.) Tus neeg uas raug saib thiab tswj hauv txoj kev Nrog Saib thiab Tswj Txhua Yam yuav suav tias yog tus uas tsis muaj peevxwm los txiavtxim siab ntxiv lawm. Nws tseem muaj cai los sib yuav, txais nws cov nhiaj txiag, thiab ms pov ntawv tawm suab, tshwj tias luag rho nws cov cai ntawd lawm thiab (thiab feem ntau yog rau cov raug kev Nrog Saib thiab Tswj Txhua Yam).

**Ob txoj kev nrog saib thiab tswj no yuav siv tsis tau los tswj ib tus tibneeg tus coojpwm lossis siv los txwv nws txoj kev xaiv tias nws xav uas nws lub neej licas.*

Kev Nrog Saib thiab Tswj Lanterman-Petris-Short (LPS): Txoj Kev Nrog Saib thiab Tswj LPS tseem muaj dua ib lub npe hu ua txoj kev nrog saib thiab tswj “vim teebmeem kev xav”. Txoj kev nrog saib thiab tswj no tsuas yog taw rau cov tibneeg uas pom tau tias muaj kev xiam oob-qhab loj vim muaj teebmeem kev xav lossis kev quav yeeb-tshuaj. Txoj Kev Nrog Saib thiab Tswj LPS feem ntau yog tawm suab los ntawm lub Department of Mental Health rau lub nroog ua tus tibneeg ntawd nyob, thiab cia tus nrog saib thiab tswj (feem ntau yog lub County Department of Mental Health lossis County Public Guardian) los muab tus tibneeg ntawd kaw rau hauv ib lub chaw khomob teebmeem kev xav, yog tsimnyog, kom tus tibneeg ntawd tau txais cov kev khomob li tsimnyog thiab kom nws zoo rov los. Txoj kev nrog saib thiab tswj LPS tsuas yog coj los siv ib zaug ib lub xyoos, tabsis rov txuas sijhawm rau ntxiv tau tomqab tas xyoo.

Txoj Kev Nrog Saib thiab Tswj LPS yog txoj kev nrog saib thiab tswj uas muaj kev txwv ntau tshaj vim nws txwv tau ib tus tibneeg txoj kev mus los. Li koj twb pom lawm, tej uas yuavtsum tau ua hauv txoj kev thov ib txoj kev nrog saib thiab tswj LPS mas nyuaj dua thiab txawv ntau ntawm tej uas yuavtsum tau hauv txoj kev thov txoj Kev Nrog Saib thiab Tswj Mentsis lossis txoj Kev Nrog Saib thiab Tswj Txhua Yam li uas hais los saumtoj no.

Kev Hloov Cov Kev Pabcuam – *Hnub Nyoog 18-22 Xyoos*

Thaum ib tus neeg mob uas muaj ib Txoj Kev Npaj Kawm Raws Tej Tus Tibneeg (Individualized Education Plan, IEP) nkag mus kawm high school, Txoj Kev Npaj Kawm Raws Tej Tus Tibneeg (IEP) yuatsum tau teev tias thaum kawm tas tus tibneeg ntawd yuav tau txais ib daim diploma, lossis yuav tau txais daim ntawv povthawj kawm tas (certificate of completion), uas yuav muaj cov kev kawm tshwjxeeb los pab kom txog thaum nws muaj hnub nyoog 22 xyoos.

Rau cov tub kawm ntawv uas kawm tas high school thiab tau txais daim ntawv povthawj kawm tas (certificate of completion) uantej hnub nyoog 22 xyoos, lub school district yuav tau muab cov kev hloov cov kev kawm rau nws txog thaum nws muaj hnub nyoog 22 xyoos. Tsab Kevcai Qhia Ntawv rau Cov Tibneeg Uas Muaj Kev Tu-ncua hauv Lub Cev (Individuals with Disabilities Education Act, IDEA) txhais lolus “kev hloov cov kev pabcuam” tias yog “ib cov kev ua uas tau npaj tseg los ua kom cov homphiaj uas yus tau npaj tiav mus raws li qhov uas yus xav tau, uas txhawb tus menyuam txoj kev hloov ntawm kev kawm mus rau lwm cov kev ua tomqab kawm ntawv tas, uas suav kev mus kawm ntxiv rau qibsiab, kev kawm haujlwm, kev xa mus ua haujlwm (kev ua haujlwm uas maj kev txhawb), kev mus kawm ntxiv thiab kev kawm rau cov laus, kev pab rau cov laus kev nyob ib leeg, lossis kev mus koom nrog tej neeg zejzos thiab yog tsimnyog cov kev ua hauv kev noj nyob thiab/lossis kev nrog tshuaj txog kev mus kawm ua haujlwm.” Kev npaj rau kev hloov yog ib feem hauv txhua txoj IEP pib thaum tus menyuam muaj hnub nyoog 14 lossis yau dua mus, yog pab neeg npaj txoj IEP xam pom tias tsimnyog.

Thaum muaj hnub nyoog 16 xyoo, yuavtsum tau caw tus menyuam tuaj koom nrog lub rooj salaj IEP thaum pom tias tsimnyog. Yuavtsum tau caw tus menyuam txhua lub rooj sablaj IEP uas yuav tham txog cov kev hloov tomqab kawm ntawv tas. Kev npaj rau tus menyuam cov kev ua tomqab kawm ntawv tas yog ib txoj kev npaj raws li tus menyuam ntawd txoj kev tu-ncua thiab tsimnyog yuav ntxov pib npaj thiab coj los tshuaj xyuas txhua xyoo. Txoj IEP uas yog Npaj Raws Tus Menyuam Txoj Kev Tu-ncua yuavtsum muaj tus menyuam txoj kev koomtes nrog npaj thiab ua raws li txoj IEP. Cov tibneeg uas muaj kev pabcuam raws li Tsab Kevcai Qhia Ntawv rau Cov Tibneeg Uas Muaj Kev Tu-ncua hauv Lub Cev 1997, (IDEA '97) tus menyuam yuavtsum tau tuaj nrog tawm tswyim thaum muaj kev npaj txog cov kev hloov rau tomqab kawm ntawv tas. Tus menyuam txoj kev npaj rau kev hloov yog saib raws nws txoj kev tu-ncua, thiab saib qhov nws nyiam thiab xav tau los npaj rau cov homphiaj tomqab kawm ntawv tas. Yam luv ib xyoos uantej tus menyuam muaj 18 xyoo, pab tibneeg npaj IEP yuav tau qhia tus menyuam txog nws cai cai txog kev hloov. Tswj tias nws raug lwm tus los ua tus nrog saib thiab tswj, thaum nws muaj 18 xyoo nws yog tus tuav txhua yam cai uas nws muaj (nrog rau xov cai txog kev kawm).

Yog tus menyuam tau txais daim district-approved high school diploma, nws yuav tsis tau txais cov kev pab rau kev kawm tshwjxeeb ntxiv lawm, suav cov kev pab rau kev hloov.

Cov Kev Pabcuam Rau Cov Laus: Cov Kev Pab txog Haujlwm

Employment First (Ua Haujlwm Uantej) - ACRC pab cov neeg mob uas muaj hnub nyoog lawm txog kev mus nrhiav cov haujlwm uas luag them nyiaj rau. Cov kev pab txog haujlwm yuav suav kev mus xyuum ua haujlwm, mus sib tw ua haujlwm, muab kev Txhawb Ib Pab Neeg Ua Haujlwm thiab pab rau tej tus tibneeg nrog Phab Pab Rov Xyuum Lub Cev (Department of Rehabilitation, DOR).

Phab Pab Rov Xyuum Lub Cev (DOR) – Lub koomhaum no pab cov tibneeg Kalifonias uas xiam oob-qhab kom mus rhiav tau thiab ceev lawv txoj haujlwm thiab mus ua tau lub neej tsis tos leejtwg hauv tej zejzoz. Yuav kom tau txais cov kev pabcuam hauv DOR, tus tibneeg ntawd yuavtsum ib qhov kev xiam oob-qhab hauv lub hlwb lossis lub cev uas ua rau nyuaj rau nws mus nrhiav tau lossis ceev ib txoj haujlwm. ACRC yuav xa cov neeg mob uas muaj lub homphiaj xav ua haujlwm thiab pom tias nws npaj txhij lawm yuav mus sib tw ua haujlwm mus rau lub DOR rau kev Ua Haujlwm uas Muaj Kev Pab thiab kev pab nrhiav haujlwm. Kev Ua Haujlwm uas Muaj Kev Pab yog muab tau rau Ib Tus Tibneeg lossis Ib Pab Neeg.

Kev Ua Haujlwm uas Muaj Kev Pab (Coj Nws Mus Tso Ua Haujlwm) – Coj nws mus tso ua haujlwm hauv ib lub chaw lagluam hauv tej zejzoz uas haum li nws lub peevxwm thiab qhov kev ntshaw. Yuav muaj kev cobqhia ua haujlwm nyob rau hauv lub chaw ua haujlwm thiab kev ua haujlwm, nrog rau kev sib txuas lus nrog lwm tus, los ntawm ib tus neeg qhia ua haujlwm uas raug ntiav los qhia (los ntawm DOR lossis ACRC). Thaum nws txawj ua haujlwm zuzus tuaj lawm, tus neeg qhia yuav tuaj qhia tsawg zuzus lawm. Txoj kev pab yuav tsis txiav tu-nrho. Lub chaw nrhiav haujlwm npaj txhij yuav pab lub chaw ua haujlwm rov cobqhia tus tibneeg ntawd rau txoj haujlwm tshiab, pab nrog txhimkho nws tus coojpwm, tuaj nrog cov neeg ua haujlwm uake thiab tus tswv haujlwm sib tham, thiab tuaj muab kev cobqhia rau tej neeg uas nrog nws ua haujlwm.

Kev Ua Haujlwm uas Muaj Kev Pab (Coj Ib Pab Mus Tso Ua Haujlwm) – Coj ib pab neeg li 3-7 leej, mus ua haujlwm uake hauv ib lub chaw lagluam lossis tsev haujlwm hauv tej zejzoz. Pab neeg no yuav raug cobqhia thiab saib xyuas los ntawm ib tus neeg qhia ua haujlwm uas ua haujlwm rau lub chaw nrhiav haujlwm thiab raug ntiav los ntawm DOR lossis ACRC. Txoj kev pib cobqhia, saib xyuas, thiab pab yog qhia los ntawm ib tus nai saib kev ua haujlwm, uas tej zaum ua haujlwm rau lub chaw haujlwm ntawd lossis lub chaw nrhiav haujlwm. Dua ib pab neeg mas yog hu ua “pab raug sib faib”. Pab no yog mus ua cov haujlwm pab lwm tus (xwsli, hauv universities, lab noj mov, thiab tsev tos qhua). Hauv pab neeg raug sib faib no, txhua tus nyias ua nyias ib txoj haujlwm sib txawv, uas sawvdaws raug sib faib mus ua haujlwm rau tib tus tswv lagluam lossis tib lub chaw haujlwm.

Rov Xyaum Ua Haujlwm, Qhia Xyaum Ua Haujlwm (Vocational Rehabilitation Work Activity Program, VR/WAP) – Hom kev pabcuam no muaj kev pab txog kev ua haujlwm ntau rau cov tibneeg uas nyuam qhuav pib xyaum mus ua haujlwm thiab yuav hloov mus rau cov kev nrog luag ua haujlwm hauv tej zejzoz, feem ntau yog kev Ua Haujlwm uas Muaj Kev Pab. Txoj kev pabcuam no muaj kev mus ua haujlwm tau nyiaj, xyaum ua haujlwm thiab ua kom rov xyaum tau lub cev hauv ib lub chaw ua haujlwm. Kev xyaum ua haujlwm yog qhia kom cov tibneeg txawj ua haujlwm kom muaj kev cobphum, txawj khaws thiab txuag nyiaj, thiab paub txog kev yuav sawv mus ua haujlwm. Dua li kev pab txog haujlwm lawm, cov tibneeg uas tau txais kev pab hauv VR/WAP tseem yuav tau txais txhua yam kev pab hauv DOR, xwsli kev pab rau tuskheej, pab rau kev ua haujlwm thiab tej kev sib txuas lus uas yog tsim los pab kom mus koom tau nrog luag sib tw ua haujlwm thiab koom nrog luag ua haujlwm hauv tej zejzoz. Cov neeg no yuav mus ua tej haujlwm pabcuam pejxeem lossis ua haujlwm rau cov koomhaum uas them nyiaj raws li Tsab Kevcai Tswj Kev Them Nqi Zog Kom Ncaj (Fair Labor Standards Act, FLSA).

Qhia Xyaum Ua Haujlwm (Work Activity Program, WAP) – Txoj kev pabcuam no yog suav tabsis tsis tas rau cov chaw Qhia Xyaum Ua Haujlwm lossis muab kev pab rau cov tibneeg uas mus ua haujlwm uas luag them nyiaj rau, yog txoj haujlwm ntawd ua raws li Phab Pab Rov Xyaum Lub Cev cov qauv lossis raug txais los ntawm CARF.

Kev Mus Xyaum Ua Haujlwm Them Nyiaj (Paid Internship Program, PIP) – Lub ACRC yuav them lub nyiaj xusbmoos ntawm tus neeg mob txoj kev mus ua haujlwm txog li \$10,400 toj xyoo rau kev mus ua haujlwm rau lwm tus lossis tuskheej thiab kev mus xyaum ua haujlwm uas yuav ua rau tau haujlwm yav tomntej. Tus neeg mob mus xyaum ua tau ntau txoj haujlwm tsuas yog tsis dhau ntawm \$10,400 toj xyoo xwb.

Mus Sib Tw Nrog Luag Ua Haujlwm (Competitive Integrated Employment, CIE) Muaj Nqi Zog – Cov chaw nrhiav haujlwm uas coj cov tibneeg mus nrhiav tau cov haujlwm uas ua puv xuabmoos lossis ua ib nrab xuabmoos hauv tej zejzoz yuav tau txais nqi zog li hauv qab no:

1. Yuav them \$1,000 mus rau lub chaw nrhiav haujlwm yog tus tibneeg tseem ua haujwm tomqab 30 hnuv.
2. Yuav them \$1,250 ntxiv yog nws tseem ua haujlwm tib qhov chaw tomqab 6 lub hlis.
3. Yuav them \$1,500 ntxiv yog nws ua haujlwm hauv CIE tau 12 lub hlis sib law

ACRC-Kev Ntiav Rau Cov Laus Mus Kawm

Cov tibneeg mob uas muaj hnuv nyoog yam tsawg18 xyoo THIAB tau txais lawv daim high school diploma LOSSIS hnuv nyoog 22 xyoos rov saud, tej zaum yuav tau txais ACRC-cov kev ntiav rau neeg mus kawm xwsi Kev Ntiav Rau Cov Laus Mus Kawm (Adult Day Program) lossis ib txoj Kev Kawm Haujlwm (Vocational Program). Cov Kev Ntiav Rau Cov Laus Mus Kawm muaj xwsi Cov Chaw Cobqhia Cov Laus, Kev Txhimkho thiab Tswj Tus Coojpwm, thiab Cov Chaw Uasi. Cov Kev Kawm yog kawm txog yam tsawg ib yam ntawm cov hauv qab no: kev nrog hais rau tuskheej, kev tu tuskheej, kev xyaum mus koom nrog tej neeg zejzoz, lossis kawm ua haujlwm. Qee Cov Kev Kawm yog kawm txog tej yam tshwjxeeb, xwsi kev mus tuameem pab tibneeg, ua art, lossis nyeem ntawv. Cov Kev Kawm yog muaj Monday txog Friday, feem ntau ib hnuv kawm rau xuabmoos. Cov neeg qhia toj cov neeg kawm mas ib hoob txawv ib hoob, nws nyob ntawm txoj kev kawm thiab pestsawg tus tibneeg nyiam kawm yam ntawd. Tus Neeg Pab Npaj Kev Pabcuam yuav pab nrhiav ib txoj kev kawm uas tus neeg mob ua tiav raws li nws cov homphiaj, thiab muab kev pab raws li tsimnyog.

Tej Hom Kev Kawm

Chaw Uasi – ib txoj kev kawm uas pab tau cov laus uas paub tu tuskheej feem ntau lawm, muaj peevxwm los nrog lwm tus sib txuas lus, paub qhia tias lawv xav tau dabtsi, thiab paub ua raws li tej uas luag qhia kom ua. Cov kev ua uas muaj hauv lub Chaw Uasi yog qhia kom txawj thiab paub los nrog hais tau rau yus tuskheej, mus koom tau nrog tej neeg zejzoz, thiab kev ua haujlwm, thiab feem ntau tus neeg qhia toj cov neeg kawm yog muaj li 1:6 (ib toj rau), 1:7, lossis 1:8.

Chaw Cobqhia Cov Laus – ib txoj kev kawm hauv zejzoz uas muaj los qhia cov laus uas tabtom kawm txog kev los pab yus tuskheej. Cov tibneeg uas muaj kawm cov kev cobqhia cov laus feem ntau yog cov uas yuav tau muaj kev pab thiab qhia txog txoj kev yuav mus koom nrog lwm tus, los qhia txog tej uas lawv xav tau, thiab los ua raws tej uas luag qhia kom ua. Cov kev kawm uas muaj hauv lub Chaw Cobqhia Cov Laus yog qhia kom txawj thiab paub los nrog hais tau rau yus tuskheej, mus koom tau nrog tej neeg zejzoz, kev ua haujlwm, thiab kev tu y tuskheej. Hauv cov kev kawm no feem ntau tus neeg qhia toj cov neeg kawm yog muaj li 1:3 (ib toj peb) lossis 1:4.

Cov Kev Txhimkho thiab Tswj Tus Coojpwm - ib txoj kev kawm hauv zejzoz uas muaj los qhia cov laus uas muaj teebmeem loj txog tus coojpwm thiab/lossis kuaj pom muaj ob yam uas, vim cov teebmeem ntawm lawv tus coojpwm, nkag tsis tau mus kawm ib txoj kev kawm hauv tej zejzoz. Cov kev kawm no feem ntau tus neeg qhia toj cov neeg kawm yog muaj li 1:3 (ib toj peb).

Cov Kev Kawm hauv Zejzos uas Muaj Kev Pab – cov kev kawm uas kawm raws sijhawm, thiab qhia cov laus hauv tej zejzos no yog qhia txog tej yam tshwjxeeb rau cov tibneeg uas muaj ib cov kev tu-ncua tshwjxeeb. CASS cov kev kawm no tej zaum yuav qhia txog lossis tsis qhia tej yam kev pab rau cov laus (xwsli, cov kev mus nrhiav tsev nyob, cov kev uas kawm los pab lwm yam, etc.). Qhov tus neeg qhia toj cov neeg kawm hauv cov kev kawm no mas nyob ntawm saib muaj cov neeg kawm coob npaum licas.

Kev Kawm Kev Mus Koom Nrog Tej Neeg Zejzos – txoj kev qhia hauv tej zejzos (tsis yuav laixees los qhia) uas muaj los qhia rau cov tibneeg uas muaj tej yam kev tu-ncua tshwjxeeb lossis mus kawm tsis tau hauv lwm cov kev kawm rau cov laus.

Cov Kev Kawm Tshwjxeeb – cov kev kawm no yog qhia tshwjxeeb 1:1 thiab pab cov neeg mob yam tsawg ib yam uas hais hauv qab no: kev ua haujlwm, kev mus tuamyem pab tineeg, lossis kev kawm qibsiab. Cov Kev Kawm Tshwjxeeb yog tsim los pab cov neeg mob kom mus koom tau thiab nrog tau tej tibneeg hauv lawv tej zejzos, uas yog qhia raws li qhov lawv kawm tau los pab daws lawv cov kev tu-ncua. Txoj kev kawm no yog tsim los pab kom cov neeg mob muaj kev xaiv ntau. Txoj kev kawm no yuav siv tsis tau uake nrog cov kev kawm lossis kev ua haujlwm uas lub Chaw Pabcuam hauv Tej Cheebtsam yuav los. Luag txwv cov xuabmoos kawm hauv tej lub hlis.

Cov Tsev Zov Cov Laus – yog cov chaw uas tau laixees zov cov laus los ntawm lub Xeev Phab Saib Kev Pabcuam Pejxeem (Department of Social Services, DSS) lossis ib lub koomhaum uas raug tsocai rau los ntawm lub DSS los ua tej yam uas siv laixees, thiab tsis yog kev khomob thiab pab saib cov laus hnuv nyoog 18 xyoo rov saud thiab zov ib zaug tsis txog 24-teev.

Cov Chaw Khomob Rau Cov Laus – cov chaw no raug ntiav los ntawm lub Xeev Phab Pabcuam Pejxeem Kev Nojqab Haushuv (Department of Health Services, DHS) los muab cov kev khomob li hais hauv Title 22, Chapter 5 rau cov tibneeg uas tau txais Medi-Cal thiab tuamyem los koom rau txoj kev pabcuam no.

KEV THAUJ MUS LOS

Tham koj tawm hauv txoj kev kawm public school mus lawm, qhov koj yuav mus los tau hauv tej zejzoz mas nyob ntawm qhov uas koj muaj peevxwm siv txoj kev thauj mus los rau pejxeem, tsav tau tsheb, lossis yuav tau yuav kev pab rau kev mjs los.

Los ntawm kev koomtes nrog koj tus Neeg Pab Npaj Kev Pabcuam, koj thiab koj pab neeg yuav los sib tham txog ntau hom kev thauj mus los thiab los xaiv txoj uas zoo tshaj rau koj txoj kev mus los. Tej zaum koj yuav tau siv cov kev thauj mus los rau pejxeem, hu tsheb ntiav tuaj thauj lossis mus kawm ib hoob thiab tibneeg mam tuaj thauj koj ntawm tsev, thiab thauj rov los thaum kawm tas.



Cov Kev Nyob

KEV PAB KOM NYOB TAU IB LEEG (INDEPENDENT LIVING SKILLS, ILS)

ILS yog muaj rau cov tibneeg uas xav nyog ib leeg yam tsis tos leejtwg uas yog nyob hauv lawv lub tsev lossis nrog lawv tsevneeg nyob, lossis tseem nyob hauv ib lub tsev tu tabsis lawv muaj homphiaj yuav tawm hauv mus li rau lub hlis tomntej no. Txoj kev qhia hauv tej zejzoz no yog qhia cov laus li ob lub xyoos uake uas muaj lub homphiaj xav pab kom lawv nyob tau ib leeg. Cov neeg qhia yuav qhia kom cov neeg mob ua tau tej uas hais hauv txoj Kev Npaj Pab Raws Tej Tus Tibneeg (IPP) thiab txoj Kev Npaj Muab Kev Pabcuam Rau Tej Tus Tibneeg (Individual Service Plan, ISP). Yuav muab kev qhia raws li txoj kev tshuaj pom thiab cov homphiaj uas txog li 35 xuabmoos toj hlis. Tomqab thawj ob lub xyoos lawm, ILS cov kev qhia yuav raug muab txo los qis (txog li 15 xuabmoos toj hlis) thiab tsuas yog pab kom lawv tsis txhob hnov qab tej uas lawv kawm tau lawm xwb.

ILS cov kev qhia yog qhia txog tej yam lossis tagnrho cov kev uas yuav pab tau tuskheej li hais hauvqab no:

- Kev ua noj
- Tu vajstev
- Mus yuav khoom tom khw
- Npaj cov pluag mov
- Npaj tej zaubmov
- Kev tswj thiab siv nyiaj txiag, xwsli pauv tshev thiab mus yuav khoom
- Kev qhia txog kev siv txoj kev thauj mus los rau pejxeem
- Kev nojqab haushuv thiab tu tuskheej
- Kev nrog hais rau tuskheej
- Kev uasi ib leeg thiab mus ncig uasi
- Kev siv kev khomob thiab kho hniav, nrog lwm yam hauv tej zejzoz
- Paub txog cov kev pab hauv tej zejzoz xwsli tub ceevwm, chaw tua hluavtaws lossis kev pab rau cov xwmtxheej ceev
- Kev cobphum hauv tsev thiab hauv zejzoz

ILS cov kev kawm tseem, li uas qhia cov saumtoj no, yuav muab kev txhawb thiab pab rau cov neeg mob kom pab tau tuskheej mus ntxiv, nyob tau l bleeg hauv tej zejzoz. Lub ntsiab lus ntawm lolus pab tau tuskheej yog ib tus tibneeg txoj peevxwm uas rov pab tau nws tuskheej yam tsis yuav lwm tus los pab.

KEV TXHAWB KOM NYOB TAU IB LEEG (SUPPORTED LIVING SERVICES, SLS)

SLS yog ib txoj kev pab li ILS, tabsis yog muaj pub rau cov neeg mob uas yuavtsum tau qhia rau tas mus li thiab pab kom lawv nyob tau ib leeg hauv lawv lub tsev. Qhov yuav pab ntev lidas yog saib raws txoj kev uas tshuaj pom ua ntu zus. Yuav muaj kev pab ntau thiab ntev npaum li uas tsimnyog yuav tau pab, raws li tej kev pab uas muaj thiab yuav siv tau los pab. Cov xuabmoos uas siv los qhia thiab pab mas sib txawv thiab siv tau txog li 24-teev toj hnuv.

TSEV TSOCAI RAU NEEG NYOB (FAMILY HOME AGENCY, FHA)

Lub Tsev Tsocai Rau Neeg Nyob (FHA) yog lub uas muab kev tsocai rau cov tsev uas yuav coj tau li ob tus tibneeg uas muaj teebmeem kev tu-ncua hauv kev lojhlob tuaj nyob hauv ib lub tsev, nrog ib tsevneeg nyob thiab sib koom sib pab ua tej haujlwm hauv tsev li ib tsevneeg. Tus tibneeg uas muaj teeb meem kev tu-ncua hauv kev lojhlob yuav tau txais cov kev pab thiab txhawb los ntawm tsevneeg, cov koomhaum thiab tej zejzogs kom nws zoo li ib tus neeg uas muaj feemcuam rau hauv tsevneeg thiab tej zejzogs uas tsevneeg ntawd nyob.

FHA cov kevcai maj nyob rau hauv Title 17, Division 2, thiab Chapter 3 (Cov Kev Pab Neeg Zejzogs) Subchapter 4.1 Family Home Agency (FHA) Regulations.



COV KEV TUAJ PAB HAUV TSEV

Muaj qee cov tibneeg mas xav mus nyob lwmm qhov chaw uas tsis yog nrog law tsevneeg nyob, tabsis yuavtum tau muaj kev pab ua ntu zus thiaj muaj kev cobphum thiab nojqab haushuv. Kev mus nyob cov tsev uas muaj cov kev tuaj pab hauv tsev yog rau cov tibneeg uas tu tau lawv tuskheej (ua tau tej yuav tau ua niajhnuv, noj tau gtshuaj ntawm tuskheej, etc.) thiab yuav zoo yog muaj neeg tuaj pab hauv tsev thiab tuaj nrog xyuas txhua yam. Cov tsev no feem ntau yog hu ua cov tsev tu.

Cov tsev no muaj zauvmov rau noj, kev nrog saib lossis kev pab nrog tivthaiv txog qee yam thiab pab hais kom nco qab noj tshuaj; cov neeg ua haujlwm yuav muab tshuaj rau noj kiag tsis tau.

Txoj kev nrog tu thiab pab mas nyob ntawm qhov uas luag tsocai rau lub tsev ntawd ua xwb. Xwsli, qee lub yuav pab tu tus tibneeg, muab kev thauj mus los rau kev mus khomob thiab kho hniav, thiab/lossis pab npaj nws cov kev mus uasi.

Kev nyob hauv ib lub tsev muaj neeg pab tu yog them rau los ntawm lub ACRC, nrog uake rau kev siv koj cov Nyiaj Xiam Oob-qhab (SSI).

Cov tibneeg uas nyob hauv ib lub tsev uas muaj neeg pab tu tau txais ib qhov nyiaj txhua hli los yuav tej khoom siv rau tuskheej thiab lwmm yam, xwsli mus saib movie lossis yuav ib lub tsho tshiab. Qhov nyiaj yog kom los ntawm lub Social Security Administration thiab nce txhua xyoo.

Thaum los xav txog txoj kev nyob li no, nws tseemceeb uas yuav tau nrog koj tus Neeg Pab Npaj Kev Pabcuam thiab koj pab neeg npaj kev pabcuam tham txog tias koj cov kev tu-ncua yog dabtsi thiab koj xav tau kev pab dabtsi.

KEV UASI (LOMZEM)

Cov Laixees Nuv Ntses Pub Dawb:

Txhua tus tibneeg hnuv nyooq 16 xyoo rov saud yuavtsum tau muaj ib daim laixees nuv ntes thiaj mus nuv ntses tau. Phab Saib Ntses thiaj Tsjaj Qus (Department of Fish and Wildlife, DFW) yuav muab tau cov laixees nuv ntses pub dawb, uas siv tau rau (lub lb Hlis 1 txog Kaum-ob Hlis 31) rau cov tibneeg uas tau txais kev pabcuam hauv lub chaw pabcuam hauv tej cheebtsam.

Tus neeg mob thov tau daim laixees nuv ntses ntwam nws tus Neeg Pab Npaj Kev Pabcuam (SC) thiaj tus SC yuav luam tus neeg mob daim Kalifonias I.D. Card (California Identification Card, CID), ua daim ntwam thov laixees thiaj muab daim ntwam thov thiaj CID xa mus rau Kalifonias Phab Saib Ntses thiaj Tsjaj Qus. Tomqab ntwam, nws yuav siv sijhawm li 3 lub limtiam daim laixees mam tuaj txog tom tus neeg mob lub chaw nyob.

Thaum tau daim laixees nuv ntses rau nws lawm, nws lub npe yuav nyob rau hauv lub Chaw Luam Laixees Tawm (Automated License Data System, ALDS), thiaj nws mus toj tau nws daim laixees tshiaj txhua xyoo los ntwam kev mus rau tom Walmart, Big 5 Sporting Goods, lossis lwm lub chaw uas muag laixees rau lub CDFW. Tus neeg mob yuavtsum tau muab nws daim CID rau luag xyuas txhua zaus nws mus toj nws daim laixees.

Kalifonias State Parks - Daim Ntwam Nkag Luv Nqi Rau Cov Neeg Xiam Oob-qhab- (Xyoo 2017, \$3.50 nqi Pass)

Cov neeg tau txais kev pabcuam hauv cov chaw pabcuam hauv tej cheebtsam tau txais kev txo nqi rau daim ntwam nkag cov California Parks thiaj Recreation, txo nqi 50% rau nqi tsheb nkag, nqi camping thiaj koj nkag mus hauv cov California State Park. Daim pass yuav siv tsis tau mus nkag rau lwm cov chaw hauv tsoomfwv hauv nroog lossis koomhaum sab nraud. Yuav tau ua daim ntwam thov, uas muaj feem uas tus kws khomob lossis lub chaw pabcuam hauv tej cheebtsam yuav nrog lav tias xiam oob-qhab tiag. Koj tus Neeg Pab Npaj Kev Pabcuam muab tau qhov website rau koj mus luam daim ntwam thov.



Cov Kev Kho Tus Coojpwm (Applied Behavior Analysis, ABA)

ABA yog ib lolus dav dav uas siv los hais txog kev siv Kev Kho Tus Coojpwm, uas yog los qhia thiab txo tej teebmeem uas muaj vim tus coojpwm. Cov kev kho ABA muab tau los pab cov kev tu-ncua li tshuaj pom, thiab qee zaum yog them rau los ntawm lub ACRC.

Cov kev kho ABA muab tau rau cov laus ua ntau hom, xwsli: Kev Cobqia Cov Niamtxiv; Kev Nrog Txhimkho Tus Coojpwm (Behavior Intervention Services, BIS); Kev Qhia Kom Txawj Nrog Lwm Tus Sib Tham (Socialization Training Programs, SST); Kev Qhia Kom Paub Pab Tuskheej (Functional Skills Training, FST); thiab Kev Qhia Kom Paub Yoog (Adaptive Skills Training, AST). Yog xav paub txog tej yam uas hais no, thov mus xyuas hauv qab.

KEV KHO ABA RAU TEJ YAM TSHWJXEED

KEV COBQHIA TXOG TUS COOJPWM RAU “NIAMTXIV” (BEHAVIOR “PARENT” TRAINING, BPT)

Yuavtsum tau kawm BPT thiaj tau tais txoj kev pab ABA uas them los ntawm lub ACRC. Txoj kev kawm yuav qhia tsevneeg/cov neeg tu, ua ib pab, txog cov qauv uas siv los txhimkho tus coojpwm (ABA). Tseem yuav qhia txog teev thiab ceev cov coojpwm, tsomxam tias vim licas nws ua li ntawd thiab ntau yam ntxiv.

KEV NROG TXHIMKHO TUS COOJPWM (BIS)

BIS yog siv los kho luv luv los txo, tshem lossis tivthaiv, kom tsis txhob muaj cov coojpwm uas ua rau tsis muaj kev nojqab haushuv lossis cobphum. Qee yam coojpwm ntawd yog xwsli, tabsis tsis tas rau: tsim teebmeem loj, ua nyaum, tsoo tuskheej thiab khiav. BIS yuav muab kev qhia thiab cov tswvyim los tivthaiv rau tsevneeg/cov tu kom paub los tswj thiab txhimkho cov coojpwm tsis zoo ntawd, thiab qhia kev siv lwm yam los hloov cov coojpwm ntawd. Kev pab yog kev nrog tshuaj, thiab kev npaj ib txoj kev khomob rau yog tias raug nquahu kom mus ntsib ib tus kws kho tus coopwm li peb mus rau rau lub hlis. Lub homphiaj hauv cov kev kho BIS yog xav hloov tus neeg mob cov coojpwm uas tsevneeg lossis cov neeg tu muaj peevxwm yuav tswj thiab ceev tau los ntawm kev siv txoj kev tswj tus coojpwm.

KEV QHIA KOM PAUB YOOG (AST)

AST yog tsim los pab kom tus neeg mob txawj pab tau nws tuskheej uas yog siv cov qauv hauv kev kho ABA. Nws yog ib txoj kev qhia luv luv rau tsevneeg thiab tus neeg tu. AST yog ib txoj kev qhia kom txawj yoog uas yog qhia rau tus neeg mob tsevneeg/cov neeg tu kom txawj los nrog tshuaj, qhia thiab pab tus neeg mob xyaum. Qee yam hauv txoj kev qhia AST no yog xwsi: qhia tu tuskheej, qhia nrog lwm tus sib tham, qhia kev ua lub neej txhua hnuv thiab kev cobphum. Tej zaum yuav muaj kev sib txawv nyob rau hauv txoj kev qhia no vim yog qhia raws hais hauv cov homphiaj, tus neeg mob txoj kev totaub thiab kev koomtes los ntawm tsevneeg/cov neeg tu. Kev pab yog kev nrog tshuaj, thiab kev npaj ib txoj kev khomob rau yog tias raug nquahu kom mus ntsib ib tus kws kho tus coopwm li peb mus rau rau lub hlis. Lub homphiaj ntawm kev qhia AST yog qhia kom tsevneeg paub los pab qhia lawv tus neeg ua ntu zus li tej uas tau qhia rau lawv lawm.

KEV QHIA KOM TXAWJ NROG LWM TUS SIB THAM (SST)

SST yog ib txoj kev qhia hloov tus coopwm uas qhia kom paub nrog thiab sib txuas lus tau nrog rau lwm tus tsis hais hauv tsev, hauv tej zejzoz thiab thaum mus nrog tej phoojywg uake.

Lub homphiaj hauv txoj kev no yog qhia kom paub thiab txawj nyob uake thiab sib tham. Qee yam hauv no yog xwsi, kev sib ntsia, kev mloog, sib tham, ib tus hais tas ib tus mam hais, kev sib hu, ntsia lwm tus ntsejmuag thiab paub tias luag xav licas, kev cog phoojywg, paub pib tham thiab txawj sib tham, paub hais rau yug tuskheej thiab paub nrog lwm tus sibkoom uasi.

Txoj kev ua txawj thiab ua tau li no mas yuav ua rau nws mus nrog tau thiab koom tau tej neeg zejzoz. Nws yuav kawm tau los ntawm txoj kev uas qhia nws txog kev mus nrog lwm tus sib koom/uasi, thiab qhia cov kev mus sib tham nrog lwm tus uas nws yuavtsum tau muaj thiaj mus koom tau nrog tej neeg zejzoz.

SST yog ib txoj kev qhia luv luv, uas siv ib cov qauv los qhia rau tej pawg tibneeg tsawg tsawg (2-8 leej). Lawv lub hnuv nyoog yuavtsum sib luag, muaj teebmeem thiab cov homphiaj zoo tib yam. Yuav siv kev qhia, sawv los hais lus, xyaum thiab uasi uake los txhawb txoj kev kawm. Tsevneeg/tus tu yuavtsum tau tuaj koom txoj kev kawm thiaj mus tau zoo.

LWM COV KEV PABCUAM NTXIV

Cov no tsis yog tag nrho lub ACRC cov kev pabcuam, tabsis nws yog cov uas luag siv ntau.

KEV SO HAUV TSEV:

Kev pab kom tau so yog tsim los pab kom cov niamtxiv tau so ntawm kev tu lawv tus tibneeg. Kev pab kom tau so tsis yog ib txoj kev pab zov lossis zov menyuum rau koj, tabsis nws yog ib txoj kev nrog zov ib pliag kom cov niamtxiv/cov neeg tu tau chaw tso pa thiab so mentsis mam rov los tu nws tus tibneeg dua.

Cov xuabmoos rau kev tuaj pab kom tau so hauv tsev tsocai rau ib zaug kav peb lub hlis, uas xam raws txoj kev tu-ncua uas tshuaj pom, thiab tau xuabmoos mus txog li qhov uas luag tsocai rau. Txoj kev tshuaj thiab tsomxam txog cov xuabmoos uas tuaj pab kom tau so no yog xam raws tus neeg mob cov kev tu-ncua, uas muab los piv rau nws ib tus phoojywg uas lojhlob zoo, thiab xyuas saib cov kev pab uas muaj thiab lwm txoj kev pab uas yuav siv tau los pab tu thiab saib xyuas nws yog dabtsi, thiab tsevneeg muaj kev nyuaj siab ntau npaum licas. Cov kev pab kom tau so muaj 3 hom li hauv qab no:

- 1. Koomhaum Pab Kom Tau So:** Cov koomhaum tuaj pab tu kom tau so hauv tsev yuav xa tibneeg tuaj rau hauv koj lub tsev tuaj tut us neeg mob thaum niamtxiv/tus tu yuav tau tawm mus lwm qhov. Niamtxiv/tus tu yuav tau nrog peb tshuaj thiab nrog tus neeg uas yuav tuaj pab tu kom koj tau so ntawd tham xwv peb thiaj li yuav xaiv tau tus uas koj nyiam rau koj. Niamtxiv/tus tu yuav tau teem sijhawm nrog tus neeg tuaj pab tu raws li lub sijhawm uas koj xav tau. ACRC yuav them nyiaj mus rau lub koomhaum pab kom tau so ntawd, thiab lub koomhaum ntawd mam them rau tus neeg uas tuaj pab tu.
- 2. Lub Chaw Ntiav Neeg Pab Kom Tau So (EOR):** Yog koj twb muaj ib tus neeg lawm (18 xyoo rov saud, paub CPR, tsis nrog tus neeg nyob) uas koj/tus tu ntseeg siab tau, tus tibneeg ntawd ua tau tus tuaj pab tu yog nws los ua tus raug ntiav los ntawm lub Chaw Ntiav Neeg Pab Kom Tau So (Employer of Record, EOR). Thaum no, tus neeg tuaj pab tu uas koj xaiv yuav tau ua pob ntawv ntiav neeg, thiab mus tshuaj keebkwm, thiab yuav raug ntiav los ntawm lub EOR los ua tus neeg pab koj. Lub EOR yuav them rau tus neeg tuaj pab tu thiab lub Chaw Pabcuam hauv Tej Cheebtsam mam them rau EOR.
- 3. Lub Chaw Pab Them (Fiscal Management Service, FMS) Kom Tau So:** Niamtxiv yog tus nrhiav tus neeg tuaj pab tu thiab them nyiaj rau nws yam tsis nrho se. Niamtxiv them nyiaj rau tus neeg tuaj pab tu; ACRC them nyiaj rau lub FMS; thiab lub FMS thim cov nyiaj uas niamtxiv them lawm rov tuaj rau niamtxiv, thiab rho cov se tawm.

Kev coj mus raug luag: Ib tus neeg mob coj mus nyob rau luag zov tau txog li cov hnuv uas luag kom tseg toj ib lub xyoos (tshwj tias nws muaj kev zam) hauv ib lub tsev tu neeg kom cov niamtxiv/cov tu muaj ib lub sijhawm los so ib ntus. Koj yuav siv cov hnuv no licas los tau. Yog koj xav mus xyuas ib lub tsev uas muaj laixees los tu neeg, thov hu rau koj tus menyuam tus Neeg Pab Npaj Kev Pabcuam, thiab nws yuav muab cov npe tsev tu neeg uas koj yuav mus xyuas tau rau koj. Koj mam li teem sijhawm mus xyuas. Thaum koj thiab tus neeg mob xaiv tau ib lub tsev lawm, thov hais rau koj tus Neeg Pab Npaj Kev Pabcuam thiab nws mam pab koj teem sijhawm rau koj koj koj tus neeg mus rau lawv zov.

Kev Zov Menyuum/Zov Tomqab Lawb Ntawv: Kev zov cov neeg mob/zov tomqab lawb ntawv yog muaj rau cov neeg mob uas cov niamtxiv uas yogi b tus niam ib tus txiv lossis ob niamtxiv nyob uake tabsis law mob leeg mus ua haujlwm sab nraud lawm, lossis tabtom mus kawm tej yam uas yuav ua rau tau haujlwm.

Tej zaum lub ACRC yuav pab them ib feem kev zov tus neeg mob/zov tomqab lawb ntawv rau cov tibneeg uas tuaj siv lub chaw pabcuam hauv tej cheebtsam yog lawv yuavtsum tau muaj kev zov tshaj li ib tus menyuam hnuv nyoog tib yam uas tsis muaj teebmeem hauv kev lojhlob. ACRC tsuas ua tau li no rau cov neeg mob uas muaj hnuv xyoog txog 22 xyoos xwb, lossis txog thaum lawv kawm tas thiab tau txais daim high school diploma, nyob ntawm qhov twg los uantej.

Cov tsevneeg tsimnyog xub siv cov kev pab uas muaj uas lawv yuav siv tau los pab zov thiab saib lawv cov menyuam thaum lawv mus ua haujlwm lossis kawm ntawv. Thiab, lub chaw pabcuam hauv tej cheebtsam yuav tsis them rau cov kev zov los txoj kev mus kawm ntawv.

Ceebtoom Neeg Khomob (Medic Alert): Medic Alert yuav pab lub ACRC cov neeg mob uas yuav sib txuas lus tsis tau nrog cov neeg tuaj pab thaum muaj xwmtxheej ceev. Cov neeg tuaj pab hu rau Medic Alert thiab lawv mam hu rau cov txheebze uas yuav tau hu rau thaum muaj xwmtxheej ceev. Medic Alert tseem yuav qhia rau cov neeg tuaj pab txog tej yam tseemceeb xwsli cov kev tsis haum tshuaj lossis nws tus mob. ACRC yuav kam them rau ib lub kib coj ntawm cajdab uas tau nias thaum muaj xwmtxheej ceev (emblem) uas teev rau hauv phau ntawv uas raug tsocai rau yuav nrog rau tus nqi uas muaj neeg mloog ntsoov thiab tau them rau txhua hli.

Cov Khoom Siv Khomob Uas Siv Tau Ntev: Lub ACRC mob siab rau kev pab cov neeg mob thiab lawv tsevneeg nrhiav thiab yuav cov Koom Siv Khomob Uas Siv Tau Ntev (Durable Medical Equipment, DME) uas yuavtsum tau muaj vim txoj kev xiam oob-qhab. “Cov khoom siv khomob uas siv tau ntev” yog cov khoom siv uas:

- yuavtsum tau muaj los pab kom tus neeg mob pab tau nws tuskheej, ua tau lub neej tawgpaj txi txiv thiab xwsli luag
- siv tau los pab tuskheej lossis kho tau ib yam mob
- siv tau ntau zaus lossis ntev mus

Thaum xam pom tias yuavtsum tau muaj DME vim txoj kev xiam oob-qhab thiab tej nyiaj txiag uas yus muaj tsis txaus them rau tus nqi, tej zaum lub ACRC yuav pab nyiaj txiag rau los yuav cov khoom siv DME.

Ntaub npua thaiv quav thaiv zis: Yog tej yam no yog tej yam uas yuavtsum tau muaj, koj hu tau mus thov ntawm koj Medi-Cal MMC kom nws muab ib lub chaw muag cov khoom siv no rau koj. Yog koj tsis tau muaj ib tus MMC, hu rau koj tus Neeg Pab Npaj Kev Pabcuam mus tham txog cov chaw uas kam txais Medi-Cal (Fee-For-Service) mus yuav cov khoom siv khomob. Tham koj hu mus rau lub chaw muag khoom siv khomob uas zwm rau koj txoj kev npaj khomob, koj nug tau tias lawv txoj kev yuav khoom siv khomob yog licas. Tej zaum lub chaw muag khoom siv khomob yuav muab ib cov ntawv rau koj koj mus rau koj tus kws khomob ua thiab suam npe rau, ces koj mam nqa cov ntawv los rau lub chaw muag khoom siv khomob thiab lawv mam mus ntsib nqi hauv Medi-Cal. Thaum pom tu tias tsis muaj nyiaj txaus yuav cov khoom siv thaiv quav thaiv zis, thiab tej kev pab uas muaj los tseem tsis txaus rau, tej zaum lub ACRC yuav pab nyiaj rau koj mus yuav cov khoom siv thaiv quav thaiv zis ntawd.

COV KEV KAWM, HOOB KAWM, LOSSIS ROOJ SABLAI

Alta California Regional Center (ACRC) txhawb cov niamtxiv thiab cov neeg mob rau lawv txoj kev mus nrhiav kev qhia thiab kev kawm los pab lawv txoj kev nrog hais rau tuskheej thiab/lossis kom paub ntiv txog tus neeg mob qhov teebmeem hauv kev lojlob. ACRC yuav muaj kev kawm rau cov neeg mob thiab lawv tsevneeg uas yog qhia los ntawm ACRC cov neeg ua haujlwm, cov sponsor lossis co-sponsor uas muaj kev koomtes nrog lwm cov koomhaum, thiab teem sijjhawm rau cov neeg uas paub txog qee yam zoo tsis hais hauv lub ACRC lossis sab nraud los muab kev cobqhia.

Tej zaum lub ACRC yuav pab nyiaj los them rau tej kev kawm lossis kev sau npe mus kawm lossis mus koom rooj sablaj (“kev mus kawm”) rau ib tus neeg mob toj ib lub xyoos thaum:

1. Txoj kev kawm ntawd muaj feemcuam txog tus neeg mob qhov teebmeem hauv kev lojlob; thiab
2. Txoj kev kawm yog ib feem li hais hauv tus neeg mob txoj IPP;
3. Uantej sau npe mus kawm, tus neeg mob lossis tsevneeg muab cov kev qhia hauvqab no rau lub ACRC:
 - kev qhia txog kev sau npe mus kawm, thiab hnuv uas yuav tau mus kawm
 - ib tsab ntawv uas qhia tias yuav kawm tau dabtsi los ntawm txoj kev kawm
 - vim lidas tej kev pab uas muaj lossis lwm yam kev pab yuav siv mus kawm tej yam li ntawd tsis tau.

ACRC yuav tsis them rau cov nqi thauj mus los, chaw pw thiab zaubmov noj mus koom rau txoj kev cobqhia ntawd; tus neeg yuav mus kawm yuav tau them rau cov nqi ntawd.

Tamsim no uas koj muaj kaum-yim xyoo rov saud lawm!

Thaum ib tus tibneeg muaj 18 xyoo, nws dhau los ua ib tus tibneeg laus thiab muaj cov cai thiab tej uas yuavtsum tau ua li uas lwm cov tibneeg laus muaj, txawm nws yuav muaj teebmeem hauv kev lojhlob los tsis muaj.

Kev Sau Npe Mus Pov Ntawv Tawm Suab

Cov citizens uas muaj hnuv nyoog 18 xyoo rov saud muaj cai los pov ntawv tawm suab! Yog xav paub ntxiv tias koj yuavtsum tau muaj dabtsi, hu mus rau County Registrar of Voters lub chaw ua haujlwm lossis mus xyuas hauv California Secretary of State lub website hauv www.sos.ca.gov . Koj tus SC yuav muab tau ib daim California Voter Registration Application thiab pab koj ua tau.

Kev Sau Npe Ua Tubrog

Tshwj qee yam nkaus xwb (xwsli, tus tibneeg uas raug kaw hauv ib lub tsev, tsev khomob lossis tsev lojcuj, raug pw hauv tsev khomob lossis raug mus kaw khomob), txhua tus txivneej uas yog U.S. citizens thiab txivneej uas yog neeg tuaj nyob hauv lub tebchaws U.S. thiab nws cov av yuavtsum tau mus Sau Npe Ua Tubrog tsis pub dhau 30 hnuv tomqab nws muaj 18 xyoo. Yog xav tau kev qhia ntxiv hu rau 1-888-655-1825 lossis mus xyuas lawv lub website www.sss.gov.

ALTA CALIFORNIA REGIONAL CENTER COV CHAW UA HAUJLWM

Peb pabcuam ntau tshaj li 20,000 tawm tus tibneeg nyob rau hauv kaum lub nroog uas hais hauvqab no: Alpine, Colusa, El Dorado, Nevada, Placer, Sacramento, Sierra, Sutter, Yolo, thiab Yuba. Vim xav ncau kom txog koj lub zejzox, peb muaj yim lub chaw ua haujlwm hauv peb lub cheebtsam pabcuam.

ACRC Cov Chaw Ua Haujlwm	Nroog Pab	Chaw Nyob	Xovtooj
Sacramento	Sacramento	2241 Harvard Street, Suite 100 Sacramento, CA 95815	(916) 978-6400 hais lus (916) 489-1033 fax (916) 489-4241 TDD
Grass Valley	Nevada, Northern Placer, Sierra	333 Crown Point Cir, Suite 200 Grass Valley, CA 95945	(530) 272-4231 hais lus (530) 272-4637 fax
Placerville	El Dorado	344 Placerville Drive, Suite 1 Placerville, CA 95667	(530) 626-1353 hais lus (530) 626-0162 fax
Roseville	Placer, Sacramento	516 Gibson Drive Suite 150 Roseville, CA 95678	(916) 437-6900 hais lus (916) 978-6583 fax
South Lake Tahoe	Alpine, El Dorado, Nevada, Placer	2489 Lake Tahoe Blvd., Suite 1 South Lake Tahoe, CA 96150	(530) 314-5970 hais lus (530) 314-5971 fax
Truckee	Nevada, Placer, Sierra	13450 Donner Pass Rd Suite B Truckee, CA 96161	(530) 587-3018 hais lus (530) 550-2217 fax
Woodland	Yolo	283 W. Court Street Suite B Woodland, CA 95695	(530) 666-3391 hais lus (530) 666-3831 fax
Yuba City	Colusa, Sutter, Yuba	950 Tharp Road, Suite 202 Yuba City, CA 95993	(530) 674-3070 hais lus (530) 674-7228 fax

KEV TXIAVTXIM SIAB NTAWM TUSKHEEJ

Kalifonias Phab Pabcuam Teebmeem hauv Kev Lojhlob tabtom tsim txoj kev pabcuam rau Kev Txiavtxim Siab Ntawm Tuskheej, ib txoj kev pabcuam uas yuav cia cov tibneeg tuaj thov kev pabcuam muaj feem ntau los xaiv lawv cov kev pabcuam thiab kev txhawb uas luag muaj hauv lub chaw pabcuam hauv tej cheebtsam. Tej uas muaj hauv txoj kev pabcuam no yog xwsl:

- Hauv txoj IPP, tus neeg mob yuav tau txais ib thooj nyiaj los yuav cov kev pabcuam thiab kev txhawb uas nws xav tau los ua kom tiav li nws cov homphiaj hauv nws txoj IPP.
- Tus neeg mob yuav los xaiv tau tias leejtwg yuav yog cov los muab cov kev pabcuam rau nws. Lawv yuavtsum tau raug tshuaj keebkwm tabsis yuav tsis tau mus kawm los thiaj ua tau.
- Tus neeg mob yuavtsum siv ib lub Chaw Pab Them (FMS) uas zwm rau lub ACRC los ua lub them rau cov kev pabcuam ntawd.

Mus xyuas ntxiv hauv www.altaregional.org lossis www.dds.ca.gov. Sau npe ua tus neeg “xav paub ntxiv” los ntawm kev xa email mus rau koj tus menyuam tus Neeg Pab Npaj Kev Pabcuam.

Senate Bill (SB) 468

YOG XAV TAU KEV QHIA NTXIV

Mus xyuas: www.altaregional.org

Teev lub ACRC Cov Kev Pabcuam thiab Cov Neeg Muab Kev Pabcuam:

Mus xyuas Alta lub website hauv: www.altaregional.org

>Ces nias **Service Providers (Cov Neeg Muab Kev Pabcuam)**

>Ces nias **Service Provider Search (Nrhiav Cov Neeg Muab Kev Pabcuam)**

ACRC Cov Kevcai Tswj Kev Pabcuam

Mus xyuas Alta lub website hauv: www.altaregional.org

>Ces nias **Who We Serve (Peb Pab Tau Leejtwg)**

>Ces nias **Services (Cov Kev Pabcuam)**

>Ces nias **Service Policies (Cov Kevcai Tswj Kev Pabcuam)**